



SURUHANJAYA PILIHAN RAYA MALAYSIA

## **KENYATAAN MEDIA**

**BIL. 67 / 2020**

### **SPR PAMER RANG DAFTAR PEMILIH TAMBAHAN SUKU TAHUN KETIGA TAHUN 2020**

1. SPR akan melaksanakan urusan pameran Rang Daftar Pemilih Tambahan (RDPT) bagi ST3/2020 selama 14 hari mulai **28 Oktober hingga 10 November 2020** di **914 tempat pameran RDPT ST3/2020** di seluruh negara.
2. RDPT ST3/2020 ini mengandungi **308,451** permohonan pendaftaran pemilih baru daripada warganegara yang layak dan **41,688** permohonan pertukaran bahagian pilihan raya daripada pemilih berdaftar yang telah memohon dalam tempoh antara 1 Julai hingga 30 September 2020.
3. Semakan RDPT ST3/2020 boleh dibuat melalui beberapa kaedah semakan seperti berikut:
  - (a) Hadir ke 914 tempat pameran RDPT ST3/2020 di seluruh negara dan mengimbas Kod QR bagi Bahagian Pilihan Raya Parlimen yang diletakkan; atau
  - (b) Melayari portal rasmi Pejabat-Pejabat Pilihan Raya Negeri (Rujuk Lampiran A); atau

- (c) Hadir ke Pejabat Pilihan Raya Negeri yang berkenaan dan menyemak buku RDPT ST3/2020 yang disediakan.
4. Bagi Pameran RDPT ST3/2020 ini, SPR tidak meletakkan salinan buku RDPT di 914 tempat-tempat pameran, sebaliknya hanya meletakkan sehelai notis bersaiz A4 yang mengandungi Kod QR RDPT bagi bahagian pilihan raya parlimen yang berkenaan sahaja. Kaedah ini adalah untuk mengelakkan orang ramai menyemak nama dalam RDPT dengan menyentuh buku RDPT yang seterusnya boleh menyebabkan penularan wabak Covid-19.
  5. Semua pemohon dinasihatkan untuk menyemak nama mereka dalam RDPT ST3/2020. Sekiranya pemohon mendapati namanya tidak disenaraikan dalam RDPT ST3/2020, mereka boleh membuat TUNTUTAN melalui Borang B.
  6. Bagi pemilih-pemilih berdaftar di satu-satu bahagian pilihan raya yang hendak membuat BANTAHAN ke atas kemasukan nama mana-mana orang di dalam RDPT ST3/2020 dalam satu-satu bahagian pilihan raya, boleh berbuat demikian, dengan mengisi Borang C.
  7. Borang B dan Borang C boleh dimuat turun dari portal Pejabat-Pejabat Pilihan Raya Negeri dan hendaklah dikemukakan kepada Pendaftar Pemilih (Pengarah Pilihan Raya Negeri) bagi kawasan pendaftaran yang berkenaan pada waktu pejabat pada mana-mana hari bekerja sepanjang tempoh pameran RDPT itu diadakan.

8. Semasa tempoh Pameran RDPT ST3/2020, SPR juga *mempamerkan* nama-nama pemilih yang akan dikeluarkan daripada daftar pemilih kerana telah meninggal dunia atau hilang taraf kewarganegaraan atau apa-apa sebab berdasarkan kepada Peraturan 10 dan 25(2) Peraturan-Peraturan Pilihan Raya (Pendaftaran Pemilih) 2002.
  
9. Sebarang pertanyaan mengenai pameran RDPT ST3/2020 boleh menghubungi talian *hotline* SPR di 03-8892 7018 atau mana-mana Pejabat Pilihan Raya Negeri. Pemohon juga boleh melayari portal SPR di <https://pengundi.spr.gov.my/> atau aplikasi MySPR Semak untuk membuat semakan.

Sekian, terima kasih.

**IKMALRUDIN BIN ISHAK**

Setiausaha

Suruhanjaya Pilihan Raya Malaysia

Tarikh : 27 Oktober 2020 / 10 Rabiulawal 1442H

## Lampiran A

### PORTAL RASMI PEJABAT-PEJABAT PILIHAN RAYA NEGERI

<b>BIL.</b>	<b>TEMPAT</b>	<b>PORTAL</b>
1.	Pejabat Pilihan Raya Negeri Perlis	<a href="http://ppn.spr.gov.my/perlis">http://ppn.spr.gov.my/perlis</a>
2.	Pejabat Pilihan Raya Negeri Kedah	<a href="http://ppn.spr.gov.my/kedah">http://ppn.spr.gov.my/kedah</a>
3.	Pejabat Pilihan Raya Negeri Kelantan	<a href="http://ppn.spr.gov.my/kelantan">http://ppn.spr.gov.my/kelantan</a>
4.	Pejabat Pilihan Raya Negeri Terengganu	<a href="http://ppn.spr.gov.my/terengganu">http://ppn.spr.gov.my/terengganu</a>
5.	Pejabat Pilihan Raya Negeri Pulau Pinang	<a href="http://ppn.spr.gov.my/ppinang">http://ppn.spr.gov.my/ppinang</a>
6.	Pejabat Pilihan Raya Negeri Perak	<a href="http://ppn.spr.gov.my/perak">http://ppn.spr.gov.my/perak</a>
7.	Pejabat Pilihan Raya Negeri Pahang	<a href="http://ppn.spr.gov.my/pahang">http://ppn.spr.gov.my/pahang</a>
8.	Pejabat Pilihan Raya Negeri Selangor	<a href="http://ppn.spr.gov.my/selangor">http://ppn.spr.gov.my/selangor</a>
9.	Pejabat Pilihan Raya Negeri W.P Kuala Lumpur	<a href="http://ppn.spr.gov.my/kualalumpur">http://ppn.spr.gov.my/kualalumpur</a>
10.	Pejabat Pilihan Raya Negeri N. Sembilan	<a href="http://ppn.spr.gov.my/nsembilan">http://ppn.spr.gov.my/nsembilan</a>
11.	Pejabat Pilihan Raya Negeri Melaka	<a href="http://ppn.spr.gov.my/melaka">http://ppn.spr.gov.my/melaka</a>
12.	Pejabat Pilihan Raya Negeri Johor	<a href="http://ppn.spr.gov.my/johor">http://ppn.spr.gov.my/johor</a>

<b>BIL.</b>	<b>TEMPAT</b>	<b>PORTAL</b>
13.	Pejabat Pilihan Raya Negeri Sabah	<a href="http://ppn.spr.gov.my/sabah">http://ppn.spr.gov.my/sabah</a>
14.	Pejabat Pilihan Raya Negeri Sarawak	<a href="http://ppn.spr.gov.my/sarawak">http://ppn.spr.gov.my/sarawak</a>

**MAKLUMAT TAMBAHAN**

**JUMLAH TEMPAT-TEMPAT PAMERAN  
RANG DAFTAR PEMILIH TAMBAHAN (RDPT)  
SUKU TAHUN KETIGA TAHUN 2020**

<b>BIL.</b>	<b>TEMPAT</b>	<b>JUMLAH</b>
1.	Pejabat Pilihan Raya Negeri	15
2.	Pejabat Pos	408
3.	Kompleks/ Pejabat Kerajaan	86
4.	Pejabat Daerah/ Pejabat Tanah	172
5.	Majlis Daerah/ Perbandaran	58
6.	Dewan Serbaguna/ Rukun Tetangga/ Balai Raya/ Pejabat Penghulu/ Dewan	158
7.	Tempat-tempat lain	17
	<b>JUMLAH</b>	<b>914</b>